

IN S'ORU 'E MAREA

Miro sas undas furèntes
 chi frànzén in sas roccas grogas
 de sas muraglias a mare
 cun ispàros de ispuma nida
 chi mi carignan sos pes isculzos.

Benint sas undas da-e tesu
 da-e sas neulas erràntes
 de s'orizzonte,
 chintende sa carena
 de sos vascellos a sa roda.

Non tia restare inoghe
 contende sas velas ispòzas,
 si no aia in ossos
 unu rosariu de ispinas
 a sa torrad'e contos
 e a s'ultimu criu
 chi mi trobein sas forzas
 e m'inserran sa voluntade
 de rivivere su mare meu
 e su sou eternu ispasimare.

Resto a forza in s'oru 'e marea
 a s'isculza e a conca bascia,
 fissende mudu sa rena
 eternamente in andèra
 pro alleviare s'assediu
 de un'istracca malinconia
 ligada a sa memoria
 cun d'un'istrizile filu 'e seda.

SULLA BATTIGIA

*Guardo le onde irate / frantumarsi sulle rocce d'ocra / dei frangiflutti / con
 esplosioni di spuma nivea / che mi lambisce i piedi scalzi.*

*Vengono dalle foschie vaganti / dell'orizzonte / cingendo la carena / dei
 vascelli alla fonda.*

*Non resterei qui / a contare le vele spoglie / se non avessi nelle ossa / lo spinoso
 rosario / della resa dei conti / alla fine dei grani / che m'imbriglia le forze / e
 assedia la volontà / di rivivere questo mio mare / e i suoi spasimi eterni.*

*Rimango a forza sulla battigia / coi piedi nudi e a capo chino / a fissare in
 silenzio la sabbia / e il suo eterno mutare / per lenire l'assedio / di stentate
 malinconie, / legate alla memoria / con un'esile filo di seta.*